

Naggiya sa Uban ngadto ni Jesukristo

Pagpili og usa sa mosunod nga mga sitwasyon:

- Usa ka batan-ong lalaki nga imong higala sakop sa lain nga Kristyanong simbahan. Usa ka adlaw panahon sa paniudto, gibati nimo ang pag-aghat nga makigsulti kaniya mahitungod sa Simbahan.
- Samtang naglakaw pauli sa panimalay gikan sa eskwelahan, nakakita ka og batan-ong babaye kinsa naghilak. Imong nailhan siya nga miyembro sa imong ward kinsa wala na magtambong og bisan unsa nga mga miting sa simbahan sulod sa pipila ka katuigan. Gibati nimo ang pag-aghat nga makigsulti kaniya. Samtang naninguha ka sa paghupay kaniya, iyang gihulagway ang iyang mga hagit ug nangutana, “Nganong dili man lang ako magmalipayon?”
- Ang inahan sa usa ka batan-ong lalaki nga imong higala sa social media bag-ohay nga namatay. Gibati nimo ang pag-aghat nga motubag sa mosunod nga pahibalo nga bag-ohay niyang gihimo: “Gibati nga nag-inusara karon gyud. Nanghinaut nga usa ka tawo nakasabut.”

Sa luyo niining piraso nga papel o sa inyong class notebook o scripture study journal, isulat unsa ang imong isulti ug buhaton aron sa pagtabang og giya niini nga tawo ngadto ni Jesukristo. Sa inyong paghulagway, ilakip ang mga tubag sa mosunod nga mga pangutana:

- Unsa nga mga kamatuoran sa ebanghelyo ang imong ipakigbahin aron sa pagtabang og giya niini nga tawo ngadto ni Jesukristo?
- Unsa ang usa ka kasulatan nga tingali imong dapiton kini nga tawo sa pagtuon?
- Unsay gusto nimo nining tawo nga buhaton?